



Jumat, 13 Januari 2023

Ogen : Hosea 3:1-6



Kelengilah Sekali Nari



Ngoge turi-turin kerna Hosea, megati la teraloken logika manusia. Lit kin sekalak si nggit ngempoi diberu perlua-lua? Lit kepeken. Hosea jelmana. Engkai maka Dibata makeken perjabun jadi sarana guna ngingetken dosa? Lanai kin lit cara si deban? Lanai, erkiteken kengna bangsa Israel, nabi Amos pe si erdahin ope Hosea pe la ibegikenna. Emaka enda me cara Tuhan guna mpersingeti bangsa si ikelengiNa. Perjabun e me sada relasi si badia. Lit sada komitmen si la banci ipesirang bage-bage saja. Perpadanen si ilakoken i lebe-lebe Tuhan labo terjeng kata-kata ngenca tapi arus ilakoken. Emaka adi lit diberu kalak Israel terdat erlua-lua maka ia arus iukum mate. Tep-tep kalak Israel meyakini kerna sie. Tapi kinatana, kalak Israel e kap bagi diberu si erlua-lua i adepen Dibata. Dibata nggambarkan hubunganNa ras bangsa Israel desken perjabun Hosea. Adi ihubungkan ras kinata genduari, la kin si sedari maka hubungenta ras Dibata desken penganten dilaki (Dibata) ras penganten diberu (kita, gerejaNa)? Enda encidakhensa maka hubungenta ras Dibata tuhu-tuhu deher, erat, intim janah serius labo main-main sebab badia kap. Emaka hubungenta ras pasangenta bagepe Dibata arus setia. Kolose 3:23 ngatalensa "kai pe ibahanndu, dahikenlah e alu tutus, tempa-tempa kam erdahin guna Tuhan, labo guna manusia". I bas perdalanan kerna kegeluhen jabu Hosea, Gomer, ndeharana reh muliken bana kenca ia erlua-lua ras dilaki si deban. Bagi nina Dibata man Hosea, kelengilah sekali nari diberu e, bagepe Hosea ngaloken ndeharana i bas kelebihan ras kekurangenna. Asum ndeharana reh alu pusuh si getem dengen jera, bagepe Hosea ngalokensa dem alu keleng ate. Bagepe perasan Dibata man kalak Israel bagepe kita. Ugapa pe buena dosanta adi kita jera ras ngulahi mbanun hubungen si mehuli ras Dibata, maka ialokenNa kita uga litna. E me kekelengen si tuhu-tuhu i bas Dibata nari. Mengampuni adalah bagaikan memusnahkan sebuah catatan yang tak terpakai. Anda merobek-robek dan membakarnya, sehingga hal itu tidak pernah lagi bisa dilihat (Henry Ward Beecher)